

## **Koj yuav ua cas yog muaj neeg mob COVID-19 hauv chaw ua haujlwm**

Yog muaj neeg mob COVID-19, losyog tau nyob ze nrog cov neeg mob, koj yuavtsum ua raws li cov theem qhia hauv qab no sai. Tsis txhob tos kom lawv kuaj paub tseeb tias twb mob COVID-19 lawm.

Cov lus qhuab-qhia no yuav pab koj nyob tom chaw ua haujlwm. Tabsis txawm licas los koj yuavtsum tau mloog thiab ua rawsli cov lus qhia ntawm koj lub xeev [state or territory public health department](#).

Yog muaj ib tug tibneeg twg mob heev xwsi ua pa tsis tawm, hu 000.

### **1. Muab tus neeg ntawd cais mus nyob ib leeg**

Muab tus neeg ntawd cais tawm mus ntawm lwm tus. Koj yuavtsum npaj cov khoom-siv tiv-thaiv lawv tus kheej xwsi cov ntaub npog qhov-ncauj thiab cawv-dej ntxuav-tes rau cov neeg uas pab tus mob.

### **2. Mus thov kev pab thiab xyuas saib yuav muaj xwm licas**

Hu mus nug tsoomfwv txojkev pab kuaj-mob hauv koj lub xeev [state or territory helpline](#), losyog hu rau lub xovtooj pab thoob tebchaws the National Coronavirus Helpline (1800 020 080).

Koj nco-ntsoov nug kom paub meej txog tus neeg mob lub npe. Sau cov chaw tus neeg ntawm tau mus hauv lub chaw ua haujlwm, saib nws tau mus nyob ze ntawm leej twg, nyob nrog lawv ntev npaum licas, xwv koj thiajli paub mus qhia cov neeg ntawm nws tau ntsib thiab muab tshuaj tua kabmob coj los tsuag tu thajchaw ntawd.

Tejzaum koj yuav tau hu mus qhia koj lub xeev [state or territory work health and safety regulator](#).

### **3. Tsheb (Transport)**

Txheeb-xyuas kom tus neeg mob muaj tsheb thauj nws mus tsev, mus rau thajchaw cais nyob ib leeg, losyog cov tsev khomob. Yog ua tau, xav kom tus neeg mob ntawd nws tsav nws lub tsheb mus xwv thiajli yuav ua kom tsis txhob kis tau tus mob rau lwm tus.

### **4. Muab tshuaj tua kabmob tsuag thiab tu thajchaw**

Muab thajchaw tus neeg mob nyob ntawd kaw tseg kom txog thaum muab tshuaj tua kabmob tsuag tag thiaj pub qhib. Qhib cov qhov-rooj thiab qhov-rais sab nraud cia kom cua tshuab nkag los tau.

Muab tshuaj tua kabmob cojlos tsuag ntxuav rau txhua thajchaw thiab yam khoom uas tus neeg tau siv, xwliis hauv chav nws ua haujlwm, tsev-dej, tsev-mov thiab chav-tsev sawvdaws nyob coob uake.

Cov neeg tuaj tu thajchaw yuavtsum hnav cov khaub-ncaws tiv-thaiv nws tus kheej, xwli rau hnav looj-tes, tsoom-iav thiab siv cov ntaub -disposable apron, uas yog ntaub hnav npog cev khaub caws.

## **5. Txheeb-xyuas thiab qhia rau cov neeg uas tau nyob ze tus neeg mob**

Tsoomfwv lub tsev saib kev kuaj mob -The state or territory public health yuav txheeb-xyuas thiab qhia rau cov neeg uas tau nyob ze tus neeg mob COVID-19 kom paub saib lawv yuavtsum ua licas.

Txheeb-xyuas cov neeg ntawm tus neeg mob tau mus nyob ze nrog hauv chaw ua haujlwm thiab saib nyob nrog lawv ntev npaum licas, thiab saib nyob rau thajchaw twg hauv chaw ua haujlwm.

Qhov no thiajli yuav qhia rau koj paub tau tseeb tias saib yuav nrhiav kev tiv-thaiv licas thiaj tsis kis tau rau lwm tus thiab koj thiaj paub yuav muab tshuaj tua kabmob mus tsuag/tu thajchaw ntawd.

## **6. Kev taug-xyuas saib kom tsis txhob muaj xwm** *(Review risk management controls)*

Koj yuav tau taug-xyuas koj txojkev tswj saib txog tus kabmob COVID-19 nrog koj cov neeg ua haujlwm saib puas yuav tsim nyog txhim-kho dabtsi ntxiv.

## **Cov them kev uas koj yuav tau ua thaum paub tias muaj ib tug neeg twg muaj mob nkag tuaj rau hauv thajchaw ua haujlwm**

Yog muaj ib tug neeg ua haujlwm losyog neeg tuaj yuav khoom nkag tuaj rau hauv koj lub chaw ua haujlwm es qhia koj tias tejzaum nws muaj tus kabmob COVID-19. Koj yuav tau xyuas saib nws tuaj thaum lub caij twg thiab tuaj nyob ze nrog pab neeg twg.

Txawm hais tias tamsis no nws tsis nyob hauv koj lub chaw ua haujlwm lawm los koj yuavtsum tau ua rawsli cov kev qhia sab saud. Koj hu mus sablaj nrog koj cov tsoomfwv [state or territory helpline](#).

## **Kuv puas yuav kaw kuv lub tsev ua haujlwm?**

Txawm paub tias muaj neeg mob COVID-19 tau nkag tuaj rau hauv koj lub tsev ua haujlwm lawm los, koj tias tas yuav kaw lub tsev ua haujlwm kiag tamsis ntawd. Tejzaum tus neeg ntawd tsuas nkag tuaj rau ib thajchaw xwb losyog cov neeg saib kabmob qhia rau koj tias nyaj yuav kis tsis tau rau lwm tus.



Txojkev uas koj lub tsev ua haujlwm yuavtau muab kaw mas kuj nyob ntawm saib lub tsev ua haujlwm loj-me licas, saib muaj neeg coob ua haujlwm licas thiab thajchaw uas yuav kis tau tus mob zoo licas.

### **Thaum twg cov neeg thiaj rovqab mus ua haujlwm tomqab ntawm txheeb-xyuas losyog muab cais mus nyob ib leeg tag?**

Cov neeg ua haujlwm uas kuaj tau tias muaj tus mob COVID-19 yuav rovqab mus ua haujlwm tau thaum lawv zoo thiab kws khomob pomzoo lawm.

Cov neeg ua haujlwm uas tsis hnov muaj mob tabsis tau muab lawv cais mus nyob ib leeg puv 14 hnuv lawm yuav rovqab tuaj ua haujlwm tau. Lawv tsis tas kom kws khomob ua daim ntawv lav.

### **Yog xav paub ntau**

Yog xav paub ntau, mus xyuas hauv [Safe Work Australia website](https://www.ssa.gov.au/coronavirus).